

Վ. Ի. ԼԵՆԻՆԸ ԵՎ ԱՆԻՐԿՈՎԿԱՍԸ

ԳԱՆՈՒՄՏ ԳԱՆՈՅԱՆ

ՀՍՍՀ ԳԱ րդրակից անդամ

Որքան հեռանում ենք դարակազմիկ պատմական անցքերից՝ այնքան ավելի խորն ենք բացահայտում Անդրկովկասի ժողովուրդների ճակատագրում Վ. Ի. Լենինի խաղացած դերը։ Այդ դերն այնքան մեծ է, միաժամանակ այնքան հանրահայտ, որ դժվար է հավակնել նոր խոսք ասելու այդ մասին։ Ուստի մենք կանգ կառնենք միայն մի քանի հարցերի վրա, որոնք առնչվում են խնդրո առարկա թեմային և որոնք վճռորոշ նշանակություն ունեն ավելի խորն բացահայտում Վ. Ի. Լենինի դերն Անդրկովկասի բանվորական ու ազգային-ազատագրական շարժումների ծավալման և երկրամասի ժողովուրդների ազգային ու սոցիալական վերածննդի գործում։

Տակավին անցյալ դարի 90-ական թվականների կեսերին, երբ Ռուսաստանում սկիզբ առավ բանվորական հեղափոխական շարժումը, նրա արդեն հանաչված առաջնորդ Վ. Ի. Լենինը մեծ նշանակություն էր տալիս Անդրկովկասի բանվորական հեղափոխական և ազգային-ազատագրական շարժումներին՝ որպես համառուսական ազատագրական շարժման գլխավոր հանգույցներին՝ մեկի թերևս նաև դրանով է բացատրվում այն հանգամանքը, որ նա իր հեղափոխական գործունեության վաղ շրջանից ի վեր կապեր է հաստատում Անդրկովկասի բանվորական շարժման գործիչների հետ։ Դեռևս Ռուսաստանի լիզմի զարգացումը Ռուսաստանում աշխատության մեջ (1899) Վ. Ի. Լենինը պարմանալի մանրակրկիտությամբ ուսումնասիրել է նաև Անդրկովկասի էկոնոմիկան և հանճարեղ ընդհանրացումներ կատարել նրա տնտեսական ու քաղաքական զարգացման հեռանկարների մասին։

Վ. Ի. Լենինի հետաքրքրությունն Անդրկովկասի նկատմամբ ակադեմիական չէր։ Նրան զբաղեցնում էր երկրամասի տեղն ու դերը համառուսական հեղափոխական շարժման մեջ։ Վ. Ի. Լենինը հեռու էր մանրբերրեցնելու Ռուսաստանում զուտ պրոլետարական հեղափոխության հնարավորության դադափարից։ Նա ընդգծում էր, որ Անդրկովկասի, ինչպես նաև Ռուսաստանի՝ կապիտալիստական առումով չզարգացած մյուս ազգերի մեջ ռեժիմի օբյեկտիվորեն կան համազգային խնդիրներ, այն է՝ ղեմակառավարող խնդիրներ...»¹, որոնք իմպերիալիզմի և պրոլետարական հեղափոխությունների դարաշրջանում չէին կարող դուրս մնալ էպոխայի պատմական ոգուց։ Այդ խնդիրների անտեսումը պառակտում կարող էր առաջացնել բանվորական և ազգային-ազատագրական շարժումների միջև։ Պատահական չպետք է համարել այն, որ Անդրկովկասի ժողովուրդների ազգային-ազատագրական շարժումները վերելք ապրեցին հենց անցած դարի 80—90-ական թվականներին, այսինքն այն ժամանակ, երբ Ռուսաստանը, Կ. Մարքսի և Ֆ. Էնգելսի գնահատմամբ, արդեն

¹ Վ. Ի. Լենին, Երկեր, հ. 23, էջ 66։

հանդիսանում էր բանվորական «հեղափոխական շարժման առաջավոր ջոկատը Եվրոպայում»²:

Վ. Ի. Լենինը ցույց տվեց, որ իմպերիալիզմից բխող ցնցումների դարաշրջանում ոռոտական կայսրության ճնշված ազգերի ազգային-ազատագրական շարժումները բարձրանում էին բանվորական հեղափոխական շարժման կապակցությամբ³, որ վերջինս էր խթան հաղորդում առաջինին: Այս խիստ կարևոր հանգամանքը երբեք չի կարելի մոռացության տալ, երբ խոսքը վերաբերում է Խուսափում ծավալված ազգային-ազատագրական շարժումներին: Ռուսական կայսրության և ոչ մի ճնշված ժողովուրդի վիճակի չէր մեկուսի, համառոտական ազատագրական շարժումից դուրս լուծել իր ազգային-ազատագրական պայքարի խնդիրները: Բանվորական և ազգային-ազատագրական շարժումների անբաժանելի միասնության լենինյան գաղափարն առաջնակարգ դեր խաղաց հեղափոխության զարգացման հետագա ամբողջ ընթացքում: Պրոլետարներ և ճնշված ազգերի աշխատավորներ, միացե՛ք: Այս էր լենինյան այդ գաղափարի իմաստը, որը լրացնում էր սոցիալիստական մանիֆեստի հռչակավոր կոչը, հանդիսանալով խոշոր ներդրում մարքսիզմի տեսական զանաձարանում:

Պատմական զարգացման տարբեր փուլերում տարբեր դասակարգերի շարժումն է հանդիսացել հասարակական հնարավոր առաջընթացի զխավոր զսպանակը: Վ. Ի. Լենինը մատնանշում է, որ ֆեոդալական-միահեծանական ուժերի դեմ մղվող պայքարում ազգային-ազատագրական շարժումները կարող են լինել սոսկ բուրժուա-դեմոկրատական շարժումներ, որոնք պրոգրեսիվ բնույթ են ունենում⁴: Բայց իմպերիալիզմի և պրոլետարական հեղափոխությունների դարաշրջանում, երբ բացահայտորեն փոխվում է դասակարգային ուժերի փոխհարաբերությունը և ավելի ցայտուն է դրսևորվում ազգային կոփի դասակարգային բնույթը⁵, բուրժուազիան ազգային-ազատագրական շարժման մեջ դառնում է ռեակցիոն: Այդ ժամանակ, նշում է Վ. Ի. Լենինը, նա «շահադիտական նպատակներով գրգռում է ազգային շարժումների իդեոլոգիա, ջանալով փոխադրել այն իմպերիալիզմի դարաշրջանը, այսինքն բոլորովին այլ դարաշրջան»⁶:

Անդրկովկասի օրինակով կարելի է դիտել, որ այս դարաշրջանում ազգային-ազատագրական շարժման սոցիալական բազան ընդլայնվում է, նրա մեջ ընդգրկվում են աշխատավորական զանգվածների ավելի լայն շրջաններ, ազգային բուրժուազիան կորցնում է իր երբեմնի առաջադիմական նշանակությունը, հետին պլան է մղում նացիոնալիզմի բովանդակության համադեմոկրատական տարրը ընդդեմ իմպերիալիստական ճնշման, դառնում խոշորագույն շարժման զարգացման համար: Վերաբարձրացող, առաջավոր դասակարգից բուրժուազիան, ինչպես նշում է Վ. Ի. Լենինը, դառնում է ավայր իջնող, անկումնային, ներքնապես մեռած, ռեակցիոն դասակարգ⁷, Ազգային-ազատագրական շարժումների դրոշմը իր ձեռքն է վերցնում բանվոր դասակարգը:

² К. Маркс и Ф. Энгельс, Соч., т. 19, с. 305.

³ Վ. Ի. Լենին, Երկեր, հ. 23, էջ 329—330:

⁴ Վ. Ի. Լենին, Երկեր, հ. 31, էջ 291:

⁵ Ս. Մ. Շահումյան, ԵԺ, հ. 2, էջ 406:

⁶ Վ. Ի. Լենին, Երկեր, հ. 21, էջ 168:

⁷ Վ. Ի. Լենին, Երկեր, հ. 21, էջ 177:

Պատմական պրոցեսի լենինյան դիալեկտիկական այս մոտեցումը բանալի է հանդիսանում ճիշտ հասկանալու և զնահատելու Անդրկովկասի ազգային բուրժուազիայի և նրա քաղաքական կուսակցությունների տեղն ու դերը տարբեր դարաշրջաններում ծավալված ազգային-ազատագրական շարժումների մեջ: Այս մեթոդից հեռանալը միշտ էլ տուրել է դեպի ազգային շարժումների ֆետիշացում, ազգային հարցի պրոլետարական լուծման գործում սոցիալական պայքարի դերի նվազեցում, բանվորական հարցի հանդեպ ազգային հարցի ստորադաս նշանակության ժխտում:

Անզնահատելի է Վ. Ի. Լենինի դերը Անդրկովկասում բանվորական հեղափոխական շարժումների ծավալման և սոցիալ-դեմոկրատական կազմակերպությունների ստեղծման գործում:

XIX դ. վերջը և XX դ. սկիզբը Ռուսաստանում բնորոշվում են հեղափոխական ճգնաժամի հասունացմամբ: Ցարիզմը ձգտում էր կանխել փոքր ազդերի աշխատավոր զանգվածների դեռևս տարերային պայքարի հնարավոր միավորումը Ռուսաստանի հեղափոխական բանվորական շարժման հետ, մի շարժում, որը 30-ական թվականների կեսերից արդեն հանդես էր եկել իր որոշակի քաղաքական և սոցիալական իդեալներով:

Անդրկովկասում պրոլետարիատի շատ թե քիչ կազմակերպված ջոկատի բացակայությունը, ազգայնական ուժեղ տենդենցների առկայությունը, որ հասկանալիս պայմանավորվում էր ցարիզմի ազգահալած քաղաքականության ուժեղացմամբ և արթնացող ազգային բուրժուազիայի ձգտմամբ՝ ունենալու կապիտալիզմի պահանջները բավարարող ազգային պետություն, բարդացնում էին պրոլետարական զաղափարախոսության շարժացման պրոցեսը: Այս էտապում Ռուսաստանի նկատմամբ ժողովուրդների ազգային-ազատագրական շարժումներն ուղղված էին ռուսական իմպերիալիստական բուրժուազիայի և իմպերիալիզմի դեմ: Պրոլետարիատը պաշտպանում էր այդ շարժումների համադեմոկրատական պահանջները, միաժամանակ հանդես գալով ազգային բուրժուազիայի նացիոնալիստական ձգտումների դեմ: Վ. Ի. Լենինի զբաղված ռուսական սոցիալ-դեմոկրատիայի խոշորագույն ծառայությունն այն էր, որ նա կարողացավ այսպիսի պայմաններում իր ազդեցության տակ առնել երկրամասի առաջավոր բանվորներին, դաստիարակել և կոփել նոր դարաշրջանի ոգին մարմնավորող հեղափոխական գործիչներ (Մ. Յիսակյան, Բ. Կոնոնյանց, Ստ. Շահումյան, Ի. Ստալին, Լ. Կեյսուվելի, Ս. Սպանդարյան, Պ. Ջափարիձե, Մ. Աղիզբեկով և ուրիշներ), որոնք էլ երկրամասում ստեղծեցին լենինյան-իսկրայական տիպի առաջին սոցիալ-դեմոկրատական կազմակերպությունները: Այդպիսի կազմակերպություններից էր «Հայ սոցիալ դեմոկրատների միությունը», որի ստեղծումն ու նրա «Մանիֆեստի» հրատարակումն «ամբողջ հոգով» ողջունեց Վ. Ի. Լենինը՝ «Իսկրայի» № 33-ում տպագրած հոդվածում: Նա հատկապես ընդգծեց ազգային հարցի ճիշտ դրվածքը տալու Միության ուշադրավ փորձը:

Բանվորական շարժման և սոցիալիստական զաղափարների ազդեցության տակ զնալով խորանում էր ազգային-ազատագրական շարժման դասակարգային բնույթը, որը և հիմք էր հանդիսանում այդ շարժումը աստիճանաբար դուրս բերելու բուրժուական նացիոնալիզմի ազդեցությունից:

1903 թ. բոլշևիզմի՝ որպես քաղաքական մտքի հոսանքի երևան գալը, Վ. Ի. Լենինի ստեղծած նոր տիպի կուսակցության առաջացումը — լենինիզմի

խոշորագույն հաղթանակն էր միջազգային օպորտունիզմի, նացիոնալիզմի և մեծապետական շովինիզմի նկատմամբ: Այն նշանավորեց արմատական հեղաշրջում ոչ միայն հեղափոխական բանվորական շարժման, այլև ողորդական կայսրության ճնշված ժողովուրդների ազգային-ազատագրական շարժման մեջ: Կուսակցության առաջին ծրագրում ազգային հարցի պրոլետարական դրվածքը հիմք հանդիսացավ ճնշված բոլոր ժողովուրդներին Վ. Ի. Լենինի ուղեկցությամբ կուսակցության շուրջը համախմբելու, ազգային-ազատագրական շարժումները պրոլետարական հունի մեջ դնելու համար: Այս կապակցությամբ ուղագրավ է Վ. Ի. Լենինի գրված գիրքը ցարական կառավարության 1903 թ. հունիսի 12-ի օրենքի նկատմամբ, որով հայկական եկեղեցական գույքը հանձնվում էր կառավարության տնտեսությանը: Այդ օրենքի ընդունումն առաջ էր բերել հայ և երկրամասի մյուս ժողովուրդների խոր դայրույթն ու ելույթը դարիզմի դեմ: «Թսկրայում» այդ առիթով տպագրելով Բ. Կնունյանցի «Նոր կողպուտ» հոդվածը Վ. Ի. Լենինն այն ուղեկցել էր մի նոթով, որով Լենդրկովկասի սոցիալ-դեմոկրատների տակտիկական օրինակ էր ծառայեցնում «թե գործնականում ինչպես պետք է կիրառել մեր ծրագրի այն կետը, որը պահանջում է ճանաչել յուրաքանչյուր ազգի ինքնորոշման իրավունքը»⁸:

Ֆ. Էնգելսը դեռևս 1872 թ. արտահայտել է այն միտքը, թե բանվորական շարժման մեջ իսկական ազգային գաղափարները միաժամանակ իսկական ինտերնացիոնալ գաղափարներ են⁹: Սա էր այն օբյեկտիվ հիմքը, որը կապիտալիզմի էպոխայում նպաստում էր ազգերի բոնի միավորման տենդենցի ոչնչացմանը և ազգային-ազատագրական շարժումները բանվորական հեղափոխական շարժման հետ միաձուլմանը: Ինտերնացիոնալիզմը չի հակասում, այլ, ընդհակառակը, պայմանավորում է իսկական ազգային հաղթանակը: Ռուսական երևք հեղափոխությունների փորձը այդ է ապացուցում:

Վ. Ի. Լենինը սկզբունքային նշանակություն էր տալիս ազգային հարցի պրոլետարական լուծմանը: Նույնիսկ վտարանդության տարիներին նա ուշիուշով հետևում էր ազգային հարաբերությունների ընթացքին Ռուսաստանում և խնդրում էր Ստ. Շահումյանին «անպայմանորեն ավելի շատ նյութեր ուղարկել ազգային հարցի մասին Կովկասում...»¹⁰: Վ. Ի. Լենինը իր խորհուրդներով ղեկավարում և ուղղություն էր տալիս Կովկասի բոլշևիկների գործունեությանը: Եվ շնայած ցարիզմի ազգահալած քաղաքականության մթնոլորտում տարբեր դասակարգերի և ազգերի տարատեսակ քաղաքական խմբավորումների միահյուսումը երկպառակություն էր սերմանում Լենդրկովկասի պրոլետարական միջավայրում, բոլշևիկները կարողանում էին հաղթահարել ցարիզմի ու բուրժուական նացիոնալիզմի դիմադրությունը և ամուրյապահել բազմազգ պրոլետարիատի ինտերնացիոնալ միասնությունը: Վ. Ի. Լենինը բազմիցս ընդգծել է այդ փաստը, նա բոլշևիկներին այնպիսի խորը հավատ էր ներշնչել պրոլետարիատի գործի հաղթանակի նկատմամբ, որ նրանց չէին վհատեցնում ոչ բանտն ու արքայազնը, ոչ հալածանքն ու տեղադրումը: Թեև խիստ տարիներին Ստ. Շահումյանը իր նամակներին մեկում գրում էր, թե Կովկասի բոլշևիկներին «տառաջիորդն խաչում են, ամեն կողմից թրակոծում

⁸ «Искра», 1(14). X. 1903.

⁹ К. Маркс и Ф. Энгельс, Соч., т. 33, с. 374.

¹⁰ Վ. Ի. Լենին, Երկեր, հ. 35, էջ 104.

են, ստորացնում... բայց մենք չենք վճատում: Հավատը դեպի ապագան և սերը դեպի մեր զործը անսպառ հոանդ է ներշնչում մեզ»¹¹:

Անդրկովկասի բազմազգ պրոլետարիատի շարքերի միասնությանը խոշոր վտանգ էր սպառնում «կոլտուր-ազգային ավտոնոմիայի» լուրջը, որն իր մեջ, Վ. Ի. Լենինի արտահայտությամբ, պարունակում էր բուրժուական նա-դիսնալիզմի «ամեն տեսակի բիրտ ու նուրբ արտահայտությունները»¹², Վ. Ի. Լենինը կենաց ու մահու կռիվ էր հայտարարել այդ տեսության կրողների դեմ: Նա հատուկ սրությամբ ընդգծում էր, որ «ընդդեմ իմպերիալիզմի, ին-տերնացիոնալ սոցիալիստական հեղափոխության համար պայքարն անհնա-րին է առանց ազգերի ինքնորոշման իրավունքը ճանաչելու...»¹³:

Այն հանգամանքը, որ պատմական խիստ կարճ ժամանակահատվածում բոլշևիկները կարողացան կամուրջ զցել բանվորական հեղափոխական, ազ-գային-ազատագրական և ընդհանուր ղեմավարական շարժումների միջև ու դրանք ուղղել ցարիզմի ռազմաֆեոդալական մեքենայի դեմ, վկայում է, որ Վ. Ի. Լենինի գաղափարները մոտ ու հարավատ լին բազմազգ Ռուսաստանի աշխատավորական ամենալայն զանգվածներին: Եա էլ, վերջին հաշվով, ապահովեց պրոլետարական շարժման հաղթանակը ցարիզմի և նրան փո-խարինելու հկած ժամանակավոր կառավարության նկատմամբ:

Հոկտեմբերյան սոցիալիստական մեծ հեղափոխության հաղթանակը, որը XX դ. ամենակարևոր իրադարձությունն է, ռուսական նախկին կայսրության ժողովուրդների միջև դրեց բոլորովին նոր տիպի փոխհարաբերությունների սկիզբը, որոնց հիմքում ընկած էին ժողովուրդների իրավահավասարության ու սովերենության, նրանց ազատ զարգացման, բոլոր ազգերի կամովին ինք-նորոշման, ազգային և ազգային-կրոնական ամեն տեսակի արտոնություն-ների սահմանափակումների վերացման լենինյան ազգային քաղաքականու-թյան սկզբունքները: Նորաստեղծ սովետական իշխանության քաղաքակա-նությունն ազգային հարցում ուղղված էր այդ սկզբունքները կյանքում իրա-դրծելու խնդրին:

Հեղափոխության հաղթանակից հետո Անդրկովկասը վերածվեց դասա-կարգային պայքարի և միջազգային ընդհարումների բարդ միահյուսման աս-տարեզի: Հակամարտության մեջ մտան հրկու հիմնական ուժեր. մի կող-մից հրկրամասի բանվորական հեղափոխական ու ազգային-ազատագրական շարժումները, որոնց պաշտպանում էր Սովետական Ռուսաստանը, իսկ մյուս կողմից ազգայնական հակահեղափոխությունը, որին, ռուսական սպիտակ-զվարդիական բանդաների հետ միասին, օգտագործում էին արևմտյան իմ-պերիալիստները՝ հրկրամասը Սովետական Ռուսաստանից անջատելու և գա-ղութացնելու նպատակով: Երմանա-թուրքական բլոկի բացահայտ ռազմա-կան և Անտանտի իմպերիալիստների բողարկված ինտերվենցիան առժամա-նակ ուժեղացրին ազգայնական հակահեղափոխության դիրքերը:

Վ. Ի. Լենինի ղեկավարած Սովետական Ռուսաստանի կառավարության քաղաքականությունը Անդրկովկասի ժողովուրդների նկատմամբ սկզբունքա-յին նշանակություն ունեցավ նրանց մղած ազատագրական պայքարի հետա-գա ամբողջ ընթացքի համար: Ժողովրդական կոմիսարների խորհուրդը նախ

¹¹ Ս. Մ. Շահումյան, ծխ, հ. 2, էջ 108:

¹² Վ. Ի. Լենին, ծրկեր, հ. 19, էջ 121—122:

¹³ Վ. Ի. Լենին, ծրկեր, հ. 21, էջ 402:

1 առաջ 1917 թ. դեկտեմբերի 29-ի «Թուրքահայաստանի» մասին իր դեկրետով ձանաչեց հայ ժողովրդի ազատ ինքնորոշման իրավունքը՝ Թուրքիայի կողմից օկուպացված մարզերը բռնությամբ իր իշխանության տակ պահելու քաղաքականությունը հակադրելով հայ ժողովրդի լիակատար ազատագրման քաղաքականությունը, ժողկոմխորհը հանդես էր գալիս Թուրքիայի կողմից անկախության ենթարկված Արևմտյան Հայաստանը հայերին վերագարձնելու վճռական պահանջով:

Հատկանշական է, որ դեկրետն ընդունելու հաջորդ օրը, 1917 թ. դեկտեմբերի 30-ին, Բրեստ-Լիտովսկում սովետական պատվիրակությունը հանդես է գալիս հայտարարությամբ, որտեղ ըստ էության կրկնվում են բոլոր այն պահանջները, որոնք որպես բացարձակ երաշխիքներ անհրաժեշտ էին «Թուրքահայաստանի» ազատ ինքնորոշման համար:¹⁴

Այդ դեկրետի ընդունումն ինքնին նշանակում էր 1915—1916 թթ. Արևմտյան Հայաստանում թուրքական բարբարոսների ձեռնարկած՝ հայերի աննախադեպ զենոցիդի դատապարտում: Միաժամանակ դեկրետը վկայում էր Սովետական Ռուսաստանի անշեղ ձգտումը՝ օգնելու բռնապաշտի ենթարկված հայ ժողովրդի տարաբախտ բեկորներին՝ վերագառնալու իրենց հայրենի օջախը և թուրքական լծից անկախ պետականություն ստեղծելու:

Հոկտեմբերյան հեղափոխության հաղթանակից անմիջապես հետո Վ. Ի. Լենինի նախաձեռնությամբ ստեղծված ազգությունների ժողովրդական կոմիսարիատն իր առջև դրված կարևորագույն խնդիրներից էր համարում ազգային հակահեղափոխության և իրար փոխարինող օտարերկրյա իմպերիալիստների տիրապետության տակ հեծող Հայաստանի, Վրաստանի ու Ադրբեջանի աշխատավոր պանծվածների ազատագրական պայքարին օգնության կազմակերպումը: Սովետական Ռուսաստանի արտաքին քաղաքական բոլոր ակտերը, որոնք առնչվել են Անդրկովկասի հետ, նախ և առաջ բխել են այդ երկրամասի ժողովուրդների ազգային ու սոցիալական շահերի պաշտպանությունից: Այս առումով Անդրկովկասի ժողովուրդներն առաջին հերթին պարտական են Վ. Ի. Լենինին:

1918—1920 թթ., երբ Անդրկովկասյան կոմիսարիատն ու սեյմը և ապա բուրժուական հանրապետությունների կառավարությունները երկրամասը վեր էին ածել իմպերիալիստական պետությունների վայրենի կամայականությունների թատերաբեմի, սովետական Ռուսաստանի կառավարությունն իր ամբողջ զործունեությամբ ձգտում էր պաշտպանել Հայաստանի, Վրաստանի և Ադրբեջանի ժողովուրդների ազատ ինքնորոշման իրավունքը, փոկել նրանց ֆիզիկական ոչնչացման և գաղութացման իրական վտանգից:

Անհրաժեշտ է հիշել, որ իմպերիալիստական երկրների 1918—1920 թթ. ինտերվենցիան շատ թանկ է նստել սովետական երկրի վրա՝ նյութական վնասներն անցնում են 40 միլիարդ ռուբլուց (ռսկով): Իսկ մարդկային զոհերի թիվը պաշտոնական ոչ լրիվ տվյալներով կազմում է 1 մլն. 203 հազ., չհաշված 771 հազ. հաշմանդամ դարձած մարդկանց¹⁵: Այս գնով է սովետական ժողովուրդը պաշտպանել Հոկտեմբերի նվաճումները:

Դեռ չէին շորացել թուրքական յաթաղանից բնկած միլիոնավոր հայոր-

¹⁴ «Документы внешней политики СССР» (այսուհետ՝ ДВП СССР), т. I, М., 1959, с. 78.

¹⁵ ДВП СССР, т. V, М., 1961, с. 346—349; т. VII, М., 1963, с. 244—246, 702.

դիների հրաշքով փրկված, բայց որրացած երեխաների ու այրիացած կանանց արցունքները, երբ 1918 թ. գարնանը թուրքական բարբարոսները ներխուժեցին Արևելյան Հայաստան, որպեսզի արևելահայերին ևս բնաջնջել՝ Լրկրի Լրեսից, եվ բնաջնջում էին: «Թուրքական զորքերի և քրդերի առաջխաղացումը Կովկասյան ճակատում,— ասվում էր սովետական կառավարության 1918 թ. ապրիլի 18-ի բողոքի նոտայում,— ուղեկցվում է հայ ժողովրդի մասսայական բնաջնջմամբ: Խաղաղ բնակչությունը, կանայք և երեխաները կոտորվում են հաղարներով, նրանց զույթը թայանվում և հրկիզվում է... Այն, ինչ կատարվում է այս շրջաններում, վկայում է, որ տասնյակ տարիներ կիրառվող հայ ժողովրդի բնաջնջման քաղաքականությունը շարունակվում է նաև այժմ»¹⁶:

Իմպերիալիստական աշխարհի գիշատիչները խուլ մնացին մեր ժողովրդի ողբի և կույր՝ նրա զրկանքների նկատմամբ: Միայն Սովետական Ռուսաստանի կառավարությունն էր, որ Վ. Ի. Լենինի անմիջական ցուցումով ամենավճռական բողոքի ձայն բաժարացրեց և թուրքերի օկուպացրած մարդերի բնակչության ազատ ինքնորոշման իրավունքները հայտարարեց չօգտագործված: Այս նշանակում էր, որ Ժողովրդական կոմիսարների խորհուրդը մնում էր կանգնած «Թուրքահայաստանի» ազատ ինքնորոշման մասին լենինյան դեկրետի հռչակած սկզբունքների դիրքերում: Սովետական Ռուսաստանի կառավարությունը միաժամանակ շճանաչեց Անդրկովկասյան սեյմի կողմից երկրամասը «անկախ» հայտարարելու ակտը, որը բացում էր Կովկասի ղոները թուրքական օկուպանտների առաջ և սպառնում սովետական Բաքվին:

Վ. Ի. Լենինը բացառիկ նշանակություն էր տալիս Բաքվում սովետական իշխանության ամրապնդմանը և իր խորհուրդներով ու ցուցումներով, Կոմունային ցույց տրված ուղղական ու նյութական օժանդակությամբ օգնում էր Երկրամասի աշխատավորներին՝ ամրապնդելու և ընդլայնելու սովետական իշխանությունն ամբողջ Անդրկովկասում:

Իսրվի Կոմունայի պարտությունը, որ հետևանք էր երկրամաս ներխուժած ղերմանա-թուրքական և անգլիական զորքերի կողմից ազգայնական հակահեղափոխությանը ցույց տրված օգնության, շատ թանկ նստեց Ադրբեջանի, Հայաստանի ու Վրաստանի աշխատավորների վրա: Առժամանակ մարեց սովետական իշխանության ճրագն Անդրկովկասում:

Իշխանությունը զավթած մուսավաթականները, վրաց մենշևիկներն ու զաշնակցականները ստեղծեցին իրենց բուրժուական «անկախ» հանրապետություններ: Պատերազմում ղերմանա-թուրքական բլոկի պարտությունից հետո երկրամասն ընկավ ԱՄՆ-ի և Անտանտի իմպերիալիստների տիրապետության տակ: Գնահատելով այդ հրկրների քաղաքականությունն Անդրկովկասում, ամերիկյան քաղաքական գործիչ Շ. Ֆիշերը գրել է. «Անդրկովկասը իր նավթային ու հանքային հարստություններով մի ավար էր, որի համար կես դյուժին ազգերի ղինված ուժերը կռվում էին ինչպես շունը մի կտոր ոսկրի համար, իսկ երկրամասի դժբախտ բնակչությունը ցարական իշխանության տապալումից հետո համարյա շուներ խաղաղություն և անվտանգություն»¹⁷:

¹⁶ ДВН СССР, т. I, с. 240—241.

¹⁷ H. Fisher, The Famine in Soviet Russia 1919—1923, N.—Y., 1927, p. 282.

Այս ամենի հետևանքով Անդրկովկասում ազգային հարաբերությունները հասան մինչ այդ շտեմնված սրության: «Անկախ» հանրապետությունների փոխարեն — գրել է Ա. Միկոյանը 1919 թ., — Կովկասում ստացվեց մեծ ճանապարհի վրա գտնվող մի քարավանսարահ, ավազակների մի կեղտոտ որջ, որտեղ մերթ հերթով, մերթ միասին մտնում էին իմպերիալիզմի զիջատիչները՝ քաղաքակիրթ բանդիտները, մերթ գերմանացիները, մերթ թուրքերը, անգլիացիները, ամերիկացիները, իտալացիները և ամեն տեսակ այլ սրիկաներ, գալով տերուտնություններն են անում, կողոպտում, բռնություններ գործում և բավականաչափ ծաղրածանակի ենթարկելով աշխատավոր մասսաներին, հեռանում են հարուստ ավարով, որպես երախտապարտություն թքելով որջը պահողների՝ կովկասյան հանրապետությունների ուխին, որոնք, ղրկվելով որոշ տերերից, ինչպես անվայել պրոֆեսիայի տեր կանայք, փնտրում են նոր տերեր»¹⁸:

Անդրկովկասի ժողովուրդների պատմության այս մղձավանջային տարիներին, Վ. Ի. Լենինը, դադարված լինելով աշխարհում առաջին սոցիալիստական պետության ստեղծման ու ամրապնդման, օտարերկրյա իմպերիալիստների ռազմական ինտերվենցիայից և սպիտակ ղեկավարողական բանդաներից սովետական իշխանության պաշտպանության, միջազգային կոմունիստական ու բանվորական շարժման ղեկավարման բարդ ու համաշխարհային-պատմական նշանակություն ունեցող գործերով, այդուհանդերձ անընդհատ մտահոգվում էր Անդրկովկասի ժողովուրդների ազգային ու սոցիալական ազատագրման խնդիրներով: Անդրկովկասի նկատմամբ 1918—1920 թթ. Սովետական Ռուսաստանի ամբողջ քաղաքականությունը կապված է անձամբ Վ. Ի. Լենինի անվան հետ: Նա է որոշել սովետական իշխանության համար երկրամասի բոլշևիկյան կազմակերպությունների մղած պայքարի ստրատեգիան և տակտիկան, նրան է պատկանում Անդրկովկասում անկախ սովետական հանրապետությունների, Հայաստանի, Վրաստանի ու Ադրբեջանի ինքնուրույն կոմունիստական կուսակցություններ ստեղծելու անհրաժեշտության զաղափարը: Միայն 1918 թ. ապրիլից 1920 թ. հունվար ամիսները ՌԿ(Բ)Կ Կենտկոմի քաղբյուրոն և կազմբյուրոն, անձամբ Վ. Ի. Լենինի մասնակցությամբ, ավելի քան 20 անգամ քննարկել են այդ հարցերը: Վ. Ի. Լենինն է որոշել Անդրկովկասում կիրառվելիք ազգային քաղաքականության սկզբունքները:

Այս շրջանում՝ Հոկտեմբերյան հեղափոխության հաղթանակից մինչև երկրամասում սովետական կարգերի հաղթանակը, Անդրկովկասի ժողովուրդների ազգային-ազատագրական շարժումը կրում էր սոցիալիստական շարժման բնույթ, միաձուլվել էր սովետական իշխանության համար մղվող բնդհանուր պայքարին և իր սրությամբ ուղղվել օտարերկրյա իմպերիալիստների և ազգայնական հակահեղափոխության դեմ: Անդրկովկասի ժողովուրդների ազգային-ազատագրական պայքարն ավարտվեց հրկրամասում սովետական իշխանության հաղթանակով: Հարցի այս յուրօրինակության վրա մեր պատմագրությունը ցայսօր պատշաճ ուշադրություն չի դարձրել, մինչդեռ ազգայնական պատմագրությունը բուրժուական «անկախ» հանրապետությունների ստեղծումը համարում է ազգային-ազատագրական պայքարի հաղթական վախճան:

¹⁸ ՍՄԿԿ ԿԿ-ին առընթեր ՄԼԻ-ի ադրոնյանական մասնաճյուղի կուսարխիվի պատճեններ: ԲԻ Ֆոնդ, գ. 39, թ. 2:

Փաստերն անհերքելի վկայում են, որ առանց սովետական Ռուսաստանի ազգական, բաղաբական ու դիվանագիտական ամենակտիվ միջամտության և օգնության, Անդրկովկասի ժողովուրդները չէին կարող հաղթահարել իմպերիալիզմի դիմադրությունը, կղրկվեին ոչ միայն սոցիալիստական ազգային պետականություն ստեղծելու հնարավորությունից, այլև կկորցնեին եղած բուրժուական պետականությունը և Անդրկովկասը կվերածվեր Անտանտի իմպերիալիստների ու թուրքական զավթիչների զաղութի։ Այդ նպատակն էին հետապնդում բեմալականները, երբ 1920 թ. աշնանը պատերազմ շանձազերծեցին Հայաստանի դեմ։ Բուրժուական և բուրժուա-ազգայնական զաղափարախոսները մինչև այսօր էլ կեղծում են պատմությունը, մզնելով «ապացուցելով», որ բեմալականների հարձակումը Հայաստանի վրա կատարվել է սովետա-թուրքական իբր թե 1920 թ. օգոստոսին կնքած ինչ-որ զաղտնի պայմանագրի հիման վրա և նպատակ է հետապնդել տապալել զաշնակցականների կառավարությունը ու երկրում հաստատել սովետական իշխանություն։ Նրանք «մոռացության» են տալիս 1920 թ. Մայիսյան հերոսական ապստամբությունը, որն արդեն տապալված էր հայտարարել զաշնակցականների կառավարությունը և, եթե չլիներ իմպերիալիստների օգնությունը, այն այլևս հարություն առնել չէր կարող։

Իրողություն է, սակայն, որ 1920 թ. ամռանը Մոսկվայում վարվող բանակցությունների ժամանակ, երբ պարզվեց, որ թուրքերի հակահայկական ականկարությունները պաշտպանություն չեն գտնում սովետական կառավարության կողմից, թուրքական կառավարությունը,— ինչպես այդ մասին հայտարարեց Գ. Զիլերինը սովետների VIII համագումարում,— որոշեց զորղյան հանդուցր կտրել սրով¹⁹։ Թուրքական զորքերը ներխուժեցին Հայաստան։ Վ. Ի. Լենինը հոկտեմբերի 9-ին կուսակցության Մոսկվայի կազմակերպության ակտիվի խորհրդակցությունում, խորապես բացահայտելով խնդրի բարդությունը, նշեց. «Վերջերս թուրքերը հարձակում են սկսել Հայաստանի վրա. նպատակ ունենալով զրավել Բաթումը, իսկ հետո կարող է և Բաքուն։ Հասկանալի է, որ մենք այդ հարցում պետք է հանդես բերենք առավելագույն զգուշություն»²⁰։ Ինչպես տեսնում ենք, թուրքերի հարձակումը Հայաստանի վրա Վ. Ի. Լենինը դիտում էր ոչ միայն որպես հակահայկական, այլ առավել հակասովետական ակտ, ուղղված Սովետական Ադրբեջանի ու Ռուսաստանի դեմ։

Ելնելով Վ. Ի. Լենինի ցուցումներից, Գ. Զիլերինը հոկտեմբերի 14-ի հեռագրում խիստ վտանգավոր համարելով բեմալականների ավանտյուրան, առաջարկում է Հայաստանում Սովետական Ռուսաստանի ներկայացուցիչ Մ. Լեգուանին՝ հետևողականորեն անցկացնել խաղաղության բաղաբականություն, խստագույն զգուշություն հանդես բերել բեմալականների և զաշնակցականների նկատմամբ, որպեսզի Անդրկովկասում լուրջ ճգնաժամ չառաջանա և Անտանտը Սովետական Ռուսաստանին չներգրավի պատերազմի մեջ։ Ե. Լեգուանին հղած մի այլ հեռագրում Գ. Զիլերինն ընդգծում էր, որ թուրքերի նկատմամբ Անտանտի և վերջինիս նկատմամբ թուրքական նացիոնալիստների քաղաքականության մեջ տեղի է ունենում խոշոր շրջադարձ և որ այդ պատճառով

¹⁹ ДВП СССР, т. II, М., 1958, с. 727.

²⁰ «Ленинский сборник», т. XXXVI, с. 131.

մեր յուրաքանչյուր քայլը անհրաժեշտ է խիստ կշռադատել: Ավելին, Հայաստանում թուրքական զորքերի առաջխաղացումը դադարեցնելու նպատակով սովետական կառավարությունը զգուշացնում էր բնակիչներին, որ նրանց ցույց տրվող ռազմական օգնությունը կռադարձվի, բանի որ հակառակ պայմանավորվածության, արևմտյան ռազմաճակատի համար հատկապես զենքեր ոգտագործվում է հայերի դեմ: Շուտով հայտնի է դառնում, որ բնակչականներն իրենց գործողություններն լինողովկասում համաձայնեցնում էին լեհ-տանտի կառավարությունների հետ:

Արևմտյան իմպերիալիստները պատերազմի՝ իրենց համար ցանկալի ելքի դեպքում մտադիր էին Հայաստանը պաշտպանելու պատրվակով զորք մտցնել լեհողովկաս: Հենց այդ նպատակով էլ անգլիական կոմիսար Ստոքսը ժամանել էր Երևան, իսկ Թիֆլիսում համաձայնագիր էր կնքել մենշևիկյան կառավարության հետ՝ նրան ռազմական փոխառություն տալու և բաժնումը 15 տարով վարձակալելու մասին: Այսպիսի պայմաններում Վ. Ի. Լենինը անհրաժեշտ էր համարում ռազմական օժանդակ ուժեր կենտրոնացնել լեհողովկասում՝ պատերազմից խուսափելու և հնարավոր պրոպագանդաների դեմ առնելու նպատակով²¹:

Ստեղծվում էր նոր ռազմաճակատ՝ Սովետական Ռուսաստանի դեմ, երբ դեռևս պատերազմը շարունակվում էր պանական լեհաստանի հետ: Հոկտեմբերի 14-ին ՌԿ(Բ)Կ Կենտկոմի քաղբյուրոն, Վ. Ի. Լենինի մասնակցությամբ, որոշում ընդունեց համաձայնվել Հայաստանի կոմկուսի Կենտկոմի և Կովկասյան բյուրոյի կարծիքի հետ՝ Հայաստանում սովետական իշխանություն հաստատելու համար վճարական գործողությունների անհրաժեշտության մասին և քաղաքական օգնություն ցույց տալ նրան՝ թուրքերի հետագա առաջխաղացումը կասեցնելու համար²²:

Թուրքերի կողմից հայերին սպառնացող նոր ջարդի պայմաններում, երբ պարզից էլ պարզ էր, որ հայ ժողովրդի փրկության միակ ուղին Սովետական Ռուսաստանի հետ սերտ դաշինքի մեջ է, դաշնակցականները իրենց պաշտոնական օրգան «Հառաջի» հոկտեմբերի 20-ի համարում կոչ էին անում ժողովրդին. «Ութն հայ ժողովուրդը կամենում է սպրել և երկար ժամանակ ապահովել իր պետական ու ֆիզիկական գոյությունը, ապա նա պետք է ունենա ոչ թե ուսական, այլ թուրքական օրենսդրության, Հրեշավոր է, բայց փաստ է: Դրան համապատասխան դաշնակցական կառավարությունը մերժեց Սովետական Ռուսաստանի առաջարկը՝ Թուրքիայի և Հայաստանի միջև միջնորդի դեր կատարելու մասին, հնարավորություն տալով թուրքերին՝ մոտենալու Երևանի մատույցներին: Օրհասական այս ժամին Հայաստանի կոմունիստական կուսակցությունը իր վրա վերցրեց սեփական ժողովրդի փրկության պատասխանատվությունը և ապստամբության կոչեց նրան: Ոտքի ելած Հայաստանի բանվորներին ու գյուղացիներին, նրանց իսկ խնդրանքով, օգնության եկան 11-րդ Կարմիր բանակի զինվորները: Դաշնակցական կառավարությունը տապալվեց 1920 թ. նոյեմբերի 29-ին հայոց լեռնաշխարհում վեր խոյացավ սովետների ալ զրոշը:

Մինչ ապստամբ ժողովուրդը Հայաստանի Հեղափոխական կոմիտեին էր

²¹ В. И. Ленин, ПСС, т. 52, с. 14.

²² В. И. Ленин, ПСС, т. 54, с. 717.

դիմավորում, դաշնակցական տապալված կառավարության նախկին պրեմիերը թուրքերի կողմից օկուպացված Ալեքսանդրապոլում նրանց հետ մեր ժողովրդին մեծ դառնություններ բերող անօրեն սլայմանագիր էր ստորագրում: Դա 1920 թ. դեկտեմբերի 2-ին էր: «Այդ սլայմանագիրը,— ինչպես նշել է Գ. Չիչերինը,— շճանաչվեց ո՛չ Սովետական Հայաստանի, ո՛չ էլ Միութենական Ռուսական Հանրապետության կողմից, և նրա շնորհիվ Խայտաբադի զարծազ Ռուսաստանի և Թուրքիայի միջև հետագա բանակցությունների զլխավոր առարկաներից մեկը»²³:

Առաջ անցնելով նշենք, որ վրաց մենչեիկները ևս իրենց հոգևոր ժամանակ դիմեցին նման բայի: 1921 թ. մարտի 11-ին համաձայնություն տվեցին թուրքերին օկուպացնելու Բաթումը: Կարմիր բանակի կողմից մարտի 18-ին Բաթումի գրավումը ձախողեց թուրքերի և մենչեիկների գործարքը:

Օգտվելով դաշնակցականների դավաճանական այդ բայից, քեմալայանները ոչ միայն իրենց ղորքերը դուրս չէին բերում օկուպացված տերիտորիաներից, այլև ձգտում էին նվաճել ամբողջ Արևելյան Հայաստանը:

Քեմալականների՝ Հայաստանում կատարած ագրեսիան, բռնություններն ու կոտորածը վկայող փաստերի լույսի տակ առնվազն արտառոց է հնչում անգլիական պատմաբան լորդ Կինոուսի ցինիկ պնդումը, թե, ի տարբերություն Հիտլերի և Մուսոլինիի զիկսատուրայի, քեմալական զիկսատուրան ժխտապես խաղաղասիրական էր և որևէ երկրի նկատմամբ չի հայտարարել ոչ բաղադրական և ոչ էլ տերիտորիալ պահանջներ²⁴: Թուրքական ժամանակակից բուրժուական պատմագրությունից փոխառնված այս կոնցեպցիան լայն տարածում է գտել անգլո-ամերիկյան բուրժուական գրականության մեջ:

Սովետական Հայաստանը կուլ կգնար քեմալականների այդ ժխտաղա-սիրական» բաղադրականությանը եթե չլինեք Սովետական Ռուսաստանի հզոր օգնությունը: Դեկտեմբերի 13-ին Վ. Ի. Լենինն ընդունում է Սովետական Հայաստանի պատվիրակությանը, որը տեղեկացնում է նրան հայ ժողովրդի համար ստեղծված ծանր վիճակին: Նույն օրը երեկոյան Վ. Ի. Լենինի նախաձեռնությամբ ժողովուրդի հրապարակում է ընդունում Սովետական Հայաստանին բաց թողնել 3 միլիարդ ռուբ. վարկ: Հաջորդ օրը Վ. Ի. Լենինը գրում է Չիչերինին. «Ընկ. Չիչերին. երեկ ինձ մոտ էր Տեմ-Գաբրիելյանը, որը նույնպես խոսում էր ջարդի ահավոր վտանգի մասին... կարծում եմ անհրաժեշտ է... ամեն կերպ օգնել» Հայաստանին²⁵: Այս նամակը վկայում է (ուշագրություն դարձնենք «նույնպես» բառին), որ Վ. Ի. Լենինը մինչ այդ էլ տեղյակ էր հայերին սպառնացող ջարդի մասին: Գիտական շրջանառության մեջ գրված արխիվային մի փաստաթղթից պարզ է դառնում, որ այդ մասին նրան տեղյակ էր պահել Գ. Չիչերինը, որին Վ. Ի. Լենինը հանձնարարել էր տեղեկանք պատրաստել հայերին սպառնացող ջարդի և հայ զաղթականների վիճակի մասին: Դեկտեմբերի 14-ին Գ. Չիչերինը, վերլուծելով թուրքական ներխուժման հետևանքով Անդրկովկասում ստեղծված վիճակը, գրում է Վ. Ի. Լենինին. «Այնքանով, որքանով խոսքը վերաբերում է հայ բնակչությանն ընդհանրապես, ապա մեր ամբողջ գործունեությունն այդ ուղղությամբ, ինչպես Չեզ

²³ Г. В. Чичерин, Статьи и речи, М., 1961, с. 196.

²⁴ Lord Kings, Atatürk. The Birth of nation, London, 1964, p. 231, 458.

²⁵ В. И. Ленин, ПСС, т. 52, с. 33.

Նայտնի է, նպատակ ունի կանգնեցնել քուրմերի հետագա հարձակումը և ստիպել նրանց ետ քաշվել Արփաշայի այն կողմը... 'Դուք գիտե՞ք, որ քուրմերին զենք տալը մենք կապել ենք քուրմերի՝ Արփաշայի այն կողմը նահանջելու պահանջի հետ: Մենք կարող էինք ավելին, եթե հնարավոր լիներ Հայաստան ուղարկել ավելի շատ զորք»²⁶:

Այս փաստաթուղթը մեկ անգամ ևս մերկացնում է պատմության բոլոր տիպի կեղծարարներին, որոնք փորձում են Սովետական Ռուսաստանի արևելյան քաղաքականության մեջ ինչ-որ «հակահայկական տարր» որսալ: Վ. Ռ. Հենինը, ավելի քան մեկ ուրիշը, շատ լավ էր հասկանում քաղաքականների ազդեցությունը քաղաքականության բնույթը: 1920 թ. դեկտեմբերի 21-ին, ելույթ ունենալով սովետների ծրրդ համագումարի Ռեզ(ը)4 ֆրակցիայի փակ նիստում, Վ. Ռ. Հենինը հայտարարեց. «Թուրքական հարձակումը մեր դեմ էր ուղղված. Անտանտը մեղ համար փոս էր փորում և ինքն էլ ընկավ այնտեղ, որովհետև մենք ձեռք բերեցինք Սովետական Հայաստան»:

Թուրքիան ղեկավարում են կաղնտները, օկտյաբրիստները, նացիոնալիստները, որոնք պատրաստ են մեզ Անտանտին ծախել»²⁷:

Սա է Վ. Ռ. Հենինի գնահատականը՝ տրված 4 եմալի այդ ժամանակ վարած քաղաքականությանը: Սակայն լենինյան այդ գնահատականը չի կարելի շփոթել այն անկեղծ ձգտման հետ, որ հանդես էր բերում Վ. Ռ. Հենինը և այսօր էլ հանդես է բերում սովետական կառավարությունը՝ Թուրքիայի հետ բարիդրացիական հարաբերություններ հաստատելու և պահպանելու ուղղությամբ: Ինչ վերաբերում է 1921 թ. մարտի 16-ի սովետա-թուրքական պայմանագրով Հայաստանի տերիտորիալ հարցերի լուծմանը, ապա անհրաժեշտ է նշել, որ այդ բանակցություններն ընթանում էին դաշնակցականների փետրվարյան ավանտյուրայի շրջանում, երբ նրանք գտնվում էր նրանց ձեռքում և երբ նրանք հայտարարել էին Թուրքիային, որ համաձայն են կիրառման մեջ դնել Ալեքսանդրապոլի տիրահաշակ պայմանագիրը: Այդ պատճառով էլ, շնայած մարտի 16-ի պայմանագրի ստորագրմանը, թուրքերը համառորեն կառչել էին Ալեքսանդրապոլի պայմանագրից: Երբեք չպետք է մոռանալ Ալեքսանդր Մյասնիկյանի քաղաքական կարևորագույն նշանակություն ունեցող հայտարարությունը այդ կապակցությամբ: «Տառիկների հետ,— նշել է նա,— ավելի հաջող պայմաններ կարող էինք կապել: Բայց շարագործները խանգարեցին: Եթե շլիներ դաշնականների վերջին ավանտյուրան, մենք այժմ ավելի լայն սահմաններ կունենայինք»²⁸:

Սովետա-թուրքական մարտի 16-ի պայմանագրով Ալեքսանդրապոլը և նրա շրջակայքը մնում էր Սովետական Հայաստանի կազմում: Չնայած դրան, թուրքերը հրաժարվում էին այն վերադարձնել Սովետական Հայաստանին և ձգտում էին պատերազմ սանձաղերծել Սովետական Հայաստանի դեմ: Սովետական կառավարությունը վճռականապես հայտարարեց թուրքերին, որ «Թուրքիայի և Սովետական Հայաստանի միջև պատերազմը կնշանակի պատերազմ Թուրքիայի և Սովետական Ռուսաստանի միջև»²⁹, Միայն այս հայտարարու-

²⁶ Գ. Փայոյան, Հանուն պատմական ճշմարտության (Լենինյան ուղիով, 1967, № 7, էջ 76)։

²⁷ В. И. Ленин, ПСС, т. 42, с. 125.

²⁸ Ալեքսանդր Մյասնիկյան, Ընտիր երկեր, Իրևան, 1957, էջ 336։

²⁹ ДВП СССР, т. IV, М., 1960, с. 50.

թյունից, ինչպես նաև 11-րդ Կարմիր բանակի հրամանատարի կողմից տրված ուղիմատումից հետո Կարաբեքի փաշան իր զորքերով հեռացավ Ալեքսանդրապոլից: Այսպիսով, շնայած Հայաստանում սովետական իշխանության հաստատմանը, հայ ժողովուրդը դեռևս գտնվում էր ֆիզիկական բնաջնջման ոեալ վտանդի տակ: Միայն Սովետական Ռուսաստանի և Լենինի գործադրած հսկայական ջանքերի հետևանքով մեր ժողովուրդը փրկվեց այդ վտանգից:

Բացառիկ է Վ. Ի. Լենինի դերը Անդրկովկասի սովետական նորաստեղծ հանրապետությունների միջազգային դիրքերի ամրապնդման, նրանց ռազմաքաղաքական ու տնտեսական ջանքերի միավորման, երկրամասում ազգային շարքի լուծման ու սոցիալիզմի հիմքերի կառուցման գործում:

ԱՄՆ-ի և Անտանտի իմպերիալիստներն այդքան հեշտությամբ չէին ուզում հրաժարվել Անդրկովկասը գաղութացնելու իրենց փայփայած պլաններից: 1921—1924 թթ. ԱՄՆ-ի կոնգրեսը բազմիցս անդրադարձել է «հայկական հարցին», դրա տակ հասկանալով Հայաստանի և ամբողջ Անդրկովկասի՝ վերանվաճումը: Իրենց զենքերը վայր չէին դրել նաև տապալված բուրժուական նացիոնալիստները, որոնց պարագլուխները ապաստան գտնելով հարևան երկրներում, ծառայության մեջ էին մտել իմպերիալիզմին: 1921 թ. կեսերին նրանք Փարիզում փորձեցին ստեղծել այսպես կոչված «Անդրկովկասյան միություն», նպատակ դնելով միացյալ ուժերով տապալել սովետական իշխանությունը:

Հայտնի է, որ 1921 թ. մարտի 16-ի սովետա-թուրքական պայմանագրով Թուրքիային անցավ ռուսական նախկին կայսրության տերիտորիայից 24 հազ. բառ. կմ տարածություն՝ ավելի քան կես միլիոն բնակչությամբ: Սովետական Ռուսաստանը ճանաչեց Թուրքիայի անկախությունը և բոլոր միջոցներով օգնում էր այն պաշտպանելու: Չնայած այս ամենին, Թուրքական նացիոնալիստները չէին դադարում դավեր լարել սովետական Անդրկովկասի դեմ: Նրանք տեռորի ու ծաղրուծանակի էին ենթարկում զավթած տերիտորիաների բնակչությանը: Վ. Ի. Լենինը, իմանալով այդ մասին, հանձնարարեց Գ. Օրջոնիկիձեին՝ «ձեռք առնել բոլոր հնարավոր միջոցները» այդ սանձարձակությունները կանխելու և անհապաղ տեղյակ պահելու իրեն³⁰:

Քեմալը ձգտում էր Թուրքիայի և անդրկովկասյան սովետական հանրապետությունների միջև նախատեսվող բանակցություններն անցկացնել յուրաքանչյուրի հետ անջատ, որպեսզի հնարավորություն ունենար ձեռնում գործադրելով նրանց վրա, նոր զիջումներ ստանալ նրանցից: Անդրկովկասի հանրապետությունների նկատմամբ Սովետական Ռուսաստանի հզոր պաշտպանությունը ի չիք դարձրեց Թուրքիայի այդ ձգտումները:

Արևելքում իրենց հակասովետական գործունեությունն ակտիվացրել էին Անգլիան ու Ֆրանսիան: Նրանք իրենց հովանավորության տակ էին վերցրել Զանգեզուրից փախած Նժդեհի բանդաներին, որոնք Թավրիզում ստեղծել էին իրենց այսպես կոչված «Հայրենիքի փրկության կոմիտեն»: 1921 թ. սեպտեմբերի 30-ին սովետական կառավարությունը վճռականորեն պահանջեց ցրել այդ ինքնակոչների «կոմիտեն» և դադարեցնել պրովոկացիաները: Իրանի տերիտորիայում գործում էին նաև մուսավաթական բանդաներ, որոնք զինված ներխուժումներ էին կատարում Սովետական Ադրբեջանի տերիտորիա:

³⁰ В. И. Ленин, ПСС, т. 52, с. 109

Անգլիական մամուլը կեղծ լուրեր էր ստացել, որ սովետա-թուրքական սահմանի վրա սովետական զորքեր կուտակվում մասին: Թուրքիան պաղտնի բանակցություններ էր վարում Անգլիայի և Ֆրանսիայի հետ: Իմպերիալիզմի կառքին էին լծվել 2-րդ Ինտերնացիոնալի լիդերները, որոնք իրենց պաշտպանության տակ էին առել վրաց մոնշեիկներին և պահանջում էին սովետական զորքերը դուրս բերել Վրաստանից ու այնտեղ անցկացնել հանրաքվե: 1921 թ. դեկտեմբերի 24-ին լ. Կրասինը Լոնդոնից հաղորդում էր Ֆիլիբրինին, որ ռեֆրիանին հաջողվել է շահագրգռել անգլիական կառավարությանը՝ հենվելով Թուրքիայի վրա ետ խլել Անդրկովկասը», որ Թուրքիան նոր զորքեր է կուտակում արևելյան սահմանակատում: Շուտով հայտնի դարձավ նաև, որ Մոսկվայում Թուրքիայի ղեկավարության աշխատողները հակասովետական լրտեսություններ էին ղրադվում, որի պատճառով սովետական կառավարությունը պահանջեց ետ կանչել ղեկավար Ալի Ֆուադին³¹:

Անդրկովկասի հանրապետությունների համար ստեղծված միջազգային այսպիսի բարդ պայմաններում էր տեղի ունենում սովետական նորաստեղծ հանրապետությունների տնտեսական ու քաղաքական վերածնության պրոցեսը: Այս շրջանում Վ. Ի. Լենինը մեծ քանքեր էր գործադրում Անդրկովկասը տնտեսական փլուզումից դուրս բերելու և սոցիալիստական էկոնոմիկայի իմքերը ստեղծելու ուղղությամբ: 1921 թ. ապրիլի 9-ին Վ. Ի. Լենինը, ստանալով Գ. Օրջոնիկիձևի ծածկագիրը հեռագիրը Անդրկովկասի պարենային հուսալից զրույցի մասին, պատասխան հեռագրում գրում էր. «Համառոտորեն պահանջում եմ ամբողջ Անդրկովկասի համար ստեղծել մարզային տնտեսական օրգան»³²: Իսկ ապրիլի 14-ին ռեզոլուցիայի, Վրաստանի, Հայաստանի, Գաղստանի, Լեռնականների հանրապետության կոմունիստ բեկերներին» գրած նամակում, որը Անդրկովկաս բերեց Սովետական Հայաստանի Ժողովուրդների նախագահ նշանակված Ալ. Մյասնիկյանը, Վ. Ի. Լենինը կոմունիստների առաջնահերթ խնդիրն էր համարում Կովկասի տարբեր ազգություններին, բանվորներին և գյուղացիներին միջև սոցիալիստական ամրապնդումը: Վ. Ի. Լենինը հույս էր հայտնում, որ Կովկասի սովետական հանրապետությունների ռեյտո դաշինքը կստեղծի ազգային խաղաղության մի այնպիսի օրինակ, որը չի տեսնված բուրժուազիայի ժամանակ և անհնարին է բուրժուական հասարակարգում³³:

Վ. Ի. Լենինի այս նամակը, որտեղ շարադրված էին նրա ցուցումներն ու խորհուրդներն անցման ժամանակաշրջանում Կովկասի առանձնահատկությունները հաշվի առնելու վերաբերյալ, Անդրկովկասում նոր կյանք ստեղծելու ծրագրային փաստաթուղթ էր: Սովետական Ռուսաստանի Ժողովուրդներին, Վ. Ի. Լենինի նախաձեռնությամբ, միաժամանակ ընդունեց մի շարք որոշումներ ուղղված երկրամասի արտադրողական ուժերի զարգացման, նավթի և բամբակի արտադրության ավելացման, ոռոգման սիստեմի ստեղծման, բանվորների ու գյուղացիների վիճակի բարելավման նպատակներին: Վ. Ի. Լենինը սովետական կենտրոնական մարմիններից պահանջում էր անհաղորդ հետևել այդ որոշումների կատարմանը և մշտապես իրեն կուրսի մեջ պահել:

³¹ ДВН СССР, т. IV, с. 594, 603—604; т. V, с. 274—276, 379.

³² Վ. Ի. Լենին, Երկեր, հ. 35, էջ 521:

³³ Վ. Ի. Լենին, Երկեր, հ. 32, էջ 492:

Անորկոմիտսի հանրապետությունների ռազմական և տնտեսական օգնությունը միավորումը ցանկալի արդյունքը չէր կարող տալ, առանց նրանց քաղաքական սերտ դաշինքի: Այդ պատճառով էլ Վ. Ի. Լենինը Անդրկովկասի հանրապետությունների ֆեդերացիայի ստեղծումը համարում էր ասկզբունքորեն բացարձակապես ճիշտ և անսպաժան իրադրոժման ենթակա խնդիր³⁴: Լենինյան այդ դադափարը միահամուռ հավանություն գտավ երկրամասի կոմունիստական կազմապարպությունների, սովետների, բանվորների ու գյուղացիների կողմից: Անդրկովկասյան Սովետական Ֆեդերատի Սոցիալիստական Հանրապետության ստեղծումը և նրա մոտենլը ՍՍՀՄ-ի կազմի մեջ (1922 թ. դեկտեմբեր) պատմական խոշորագույն նշանակություն ունեցավ: Այն անփոխարինելի դեր խաղաց երկրամասի սոցիալական տնտեսության վերականգնման, սոցիալիզմի կառուցման, Հայաստանի, Վրաստանի և Ադրբեջանի սովետական հանրապետությունների միջազգային դիրքերի կայունացման, երկրամասի ժողովուրդների էդրայրական դաշինքի ամրապնդման գործում: ՍՍՀՄ-ի ստեղծումը մեծ Լենինի ինտերնացիոնալ գաղափարների մեծագույն հաղթանակն էր: Նրա հասարակարգային պատմական խոշորագույն նշանակությունը անսխտելի է:

Յուրաքանչյուր ժողովուրդ՝ առանձին վերցրած, և մարդկությունը՝ իր ամբողջությամբ, ուրույն կերպով են պարտական Վ. Ի. Լենինին՝ դարերի մաստություն իր մեջ մարմնավորած և գալիք դարերի ճամփաները լուսավորող այդ հանճարին: Վ. Ի. Լենինը մերն է և ամբողջ աշխարհին: Հալի համար Վ. Ի. Լենինի անունը մեր ժողովրդի հարատևության, նրա դարավոր ազատագրական պայքարի հաղթանակը մարմնավորող խորհրդանիշ է: Մեզ վերածնող լուսարկար դրոշին հավատարիմ մնալը մեր ազգային արժանապատվությունն ու պարտքն է:

В. И. ЛЕНИН И ЗАКАВКАЗЬЕ

ГАЛУСТ ГАЛОЯН
Член-корр. АН Арм. ССР


Резюме

В. И. Ленин с первых же дней своей политической деятельности стал уделять огромное внимание развитию рабочего и национально-освободительного движения народов Закавказья как части общероссийского революционного движения.

На примере Закавказья еще раз подтверждается высказанная В. И. Лениным мысль о том, что национальные движения угнетенных народов России поднимались в связи с рабочим движением, что ни один из малых народов России не мог разрешить задачи своего национально-освободительного движения без тесной связи с общероссийским освободительным движением.

В. И. Ленин придавал огромное значение созданию социал-демократических организаций в Закавказье, своими советами и указаниями помогал их работе. В. И. Ленин восхищался интернациональными тра-

³⁴ Վ. Ի. Լենին, Երկեր, հ. 33, էջ 136:



дициями рабочего класса Закавказья и ставил их в пример для пролетарского разрешения национального вопроса.

После победы Великой Октябрьской Социалистической революции, по известным внешним и внутренним причинам, в Закавказье власть захватили в свои руки буржуазные националисты. В 1917—1920 гг. национально-освободительное движение народов Закавказья носило социалистический характер, слившись с борьбой за советскую власть.

В. И. Ленину принадлежит идея создания отдельных советских республик Закавказья и самостоятельных коммунистических партий Армении, Грузии и Азербайджана.

Торжеством великих интернациональных идей Ленина, триумфом национальной политики Коммунистической партии явилось образование Союза ССР.